

平樂府志卷十

學校部

學宮

府學宋舊址在城東二里考槃澗之西宣和間知州嚴以諷徙於城內州治左淳熙中太守王光祖復還故址元初毀於兵至元己卯郡監劉懷遠知州孫武德經營創始十五年武德之子夢得再知州事乃繼成之後圯至正十二年壬辰攝郡拓跋元善重修又立進士題名碑明洪武二十七年知府張信增建厨庫宣德十年初平樂知府唐復重修葺文廟尊經閣堂廡齋舍一時並舉於明倫堂

平樂府志

卷十 學宮

一

後建書樓繪古勤學士於四壁巡撫何自學題曰

昭文樓

文載

正德十年知府張愷重修嘉靖四年知

府李彥徙城北鳳凰山麓萬歷七年叅政陳應春拓學前隙地建敬一亭鑿泮池樹棹楔十九年知府黃文炳重修正殿兩廡前爲戟門櫺星門後爲明倫堂翼爲齋最後爲尊經閣啟聖祠在明倫堂東名宦祠附東廡前鄉賢祠附西廡前教授衙在明倫堂東崇禎末燼於兵

國朝順治十六年知府王延禔始建明倫堂十八年  
建

大成殿悉出草創康熙九年知府楊榮陰知縣陳光

龍重加修飭并新建左右兩廡櫺星門外建儀門  
五間磚牆二面甲寅後兵燹圯二十年署知府婁  
倣舜修建明倫堂啟聖宮並殿廡門垣葺而新之  
三十年知府陸鍾呂修五十年知府柯鄧牧置祭  
器五十七年知府慕國珙修乾隆二十一年知府  
宋敞修

平樂縣舊學在西關外省志作北關龍興觀明洪武四年知

縣高忠創立永樂二年知縣陳應文重修二十年

推官鄒寧復修正統六年知府正統六年通志作正統元年唐

復重建宏治間被水衝圯知府謝瑚改附府學正

統通志作正德間生徒亦隸府學萬歷三十四年知縣

平樂府志

卷十 學宮

二

陳御墀詳請將南門內明賢書院改建崇禎後廢

仍附府學合祀自後兵燹頻仍營弁據爲衙署至

國朝康熙四十二年知縣孫成已力爭之乃得於西

偏舊基重建其東邊基址尙未復故明倫堂亦未

建康熙四十四年知縣彭象晉修建大成門敬一

亭五十年知縣黃大成開浚泮池建芹香橋製造

祭器普志雍正四年知縣吳元鉞重修乾隆四十二

年知縣黃如璐教諭楊邃修通志

恭城縣舊學在縣治東胡志在東南鳳凰山省志明永

樂八年建成化十三年遷縣治知縣夏瑋建於縣

西後山有泉滄流知府楊冠鑿池引水八焉名洗

硯池正德九年叅政蔚春案臨見殿堂圯壞發贖  
鍰修理知縣陳猷捐俸區畫闢基重建正德十三  
年兵備副使張祐建騰蛟起鳳二坊於□星門外  
嘉靖三十九年知縣楊鈞遷縣西隅三遷始定殿  
堂齋廡歲久圯壞萬歷二十年知縣任思修建櫺  
星門以石爲柱外有泮池門之內爲戟門東側爲  
宰牲所祭品寄貯縣庫戟門內爲拜塔中爲露臺  
上爲

大成殿右爲啟聖祠二座前座知縣任思建後座署  
縣事教諭朱較建廟之左側爲明倫堂萬歷二十  
年知縣任思修堂之左右建進德修業兩齋修月

臺角道外爲進賢門匾曰騰蛟起鳳外爲儒學門  
題曰修道崇德儒學門之左爲教諭齋又左爲訓  
導齋先年俱用木柱葺織灰粉易圯三十年知縣  
陳朝策週圍易以磚砌惟二齋竟成荒莽賃民房  
以居天啟五年署縣事同知莊日宣先請修接任  
知縣張汝醇繼成之廟堂門廡繚以重垣櫺星門  
石柱下增新柵門時固鎖鑰復申請動支學租銀  
二十四兩買學前民居爲教諭齋匾曰清齋公署  
旋經兵燹

國朝康熙九年知縣曹林韻詳請重建先葺

大成殿及兩廡啟聖祠以備春秋上丁釋奠每月朔

望行香改建舊有名宦祠祀知縣任思張汝醇署  
縣事布政司經歷孫睿爲三公祠在大成門左二  
十年知縣揭宗本修建啟聖宮兩廡戟門四十年  
通志作三知縣田慕芳增建大成門門左立鄉賢  
祠門外修復洗硯池池中造橋一建明倫堂於東  
廡之左四十五年教諭封安邦增修櫺星門兩旁  
建禮門義路二門修濬泮池並建尊經閣於大殿  
之右教諭訓導兩齋原在禮門外傾圮歷任教諭  
賃民居以義學爲訓導齋又明倫堂左右舊有進  
德修業兩齋外有騰蛟起鳳門及儒學門今俱廢  
舊志乾隆五十六年知縣陳聯拔教諭廖德全重修  
平樂府志

卷十 學宮

四

增省志

富川縣舊學初創在城外西南隅一里明洪武二  
十九年建成化四年知縣韋忠重修宏治二年知  
縣劉時雍復修舊志宏治三年訓導袁亨典史鄧林  
重修省志正德元年提學姚鏞徙於城比迎恩坊知  
縣張冕董其事嘉靖二十二年知縣陳東重修舊志  
嘉靖間通判鄧輅易櫺星門以石省志萬歷九年知  
縣周篤棐建六年知縣李元鳳建尊經閣五年教  
諭徐一瀚修泮池上爲泮橋直上爲戟門爲門三  
東側宰牲所西側祭品庫左東廡右西廡中露臺  
上爲

大成殿右爲儒學門內爲賢路一帶甬道并周墻垣  
萬歷三十七年知縣張文耀砌以磚石直上爲禮  
門門左爲進德齋右爲修業齋上爲明倫堂後爲  
尊經閣敬一箴在其中上爲啟聖祠左爲名宦祠  
右爲鄉賢祠教諭廡在修業齋三十五年知縣張  
文耀教諭張翊置學舖學田

國朝順治十四年知縣雍恭復建康熙四年縣令張  
鵬翼重修十一年知縣劉欽鄰教諭顏以莊重建  
五十二年知縣梁子豹五十三年署知縣王汧五  
十五年知縣王淑京各修葺乾隆十二年署知縣  
楊奕濬十三年知縣聞人棠相繼建明倫堂省志其

啟聖祠尊經閣名宦祠鄉賢祠教諭廡僅存基址

胡志

賀縣舊學在城東宋郡守鄧闢所建元至正初郡  
守劉晉重修至正十六年燬知府孫逢辰創殿廡  
門堂餘皆未備明洪武十年因其舊而增飾之永  
樂十三年主簿傅岳教諭李滋重修成化三年知  
縣蔣智訓導馬超修復舊制嘉靖十三年知縣王  
聰重修建遷正殿稍前易故增新二十三年叅政  
曾存仁副使朱良知府姜樑見舊學不利科目遷  
南門內玉虛觀地教諭李文貴議賣舊學地償共  
費改作訓導衙尋圮巡按御史陳宗夔以擅遷題

叅並貢生董玉爵等俱被註誤時論惜之二十六年教諭毛純修舊泮橋用石砌櫺星門三門舊口木柱三十六年縣丞石汝礪更以石未畢工經歷石渠成之啟聖祠一間先以玉虛觀地爲之觀毀建於明倫堂後敬一亭一間知縣王聰置石碑七通於舊學後移置於新學中明倫堂三間萬歷五年本府通判程世宥署縣廓而新之志舊二十二年知縣翁懋勳修

大成殿明倫堂高培土二三尺年久廟宇傾頽教諭衙舍僅遺荒基二十四年署縣事本府推官周伯遜詳允動支銀兩修復歲久傾圮崇禎元年知縣

鄭伯龍修

國朝康熙二年修復正殿東西兩廡四年本府通判白鰲宸推官吳鑛城守王大倫典史張鳳儀生員袁年起毛上習馬士超袁鼎玉等重修成德齋一間達材齋一閣教諭宅二座在儒學門右九年知縣何標教諭劉懋沛建復齋署仍爲教諭署修泮池橋名宦祠鄉賢祠一間志胡二十四年知縣趙璧三十四年知縣翟鴻儀雍正七年知縣史凌俱重修

修仁縣學舊址在縣東關外明成化間築城遷縣內東偏後再遷城南門外明末朱晉明遷於城南

郭外初創

大成殿一座值兵燹尋圮

國朝順治十二年署知縣高際運仍遷城內舊址修復之康熙八年知縣李子實建啟聖祠築土墻鑿泮池十一年知縣陳錫疇增修十三年燬於兵十九年署知縣王用諷署訓導莫顯璋修復啟聖祠儀門二十五年知縣金之桂重修三十六年知縣劉灝重建櫺星門又勒石碑二恭鐫

御製顏曾思孟四子讚豎於儀門四十三年署縣事荔浦知縣馮千英訓導鄭奕履典史秦得璽重修東西兩廡復建名宦祠鄉賢祠雍正七年署知縣

平樂府志

卷十 學言

七

金澤茂重修志省乾隆二十四年知縣汪元均教諭

秦仲仁率紳士遷建於南門外地名達帽四十四年知縣黃大鵬教諭李莊遷建北門外

荔浦縣舊學在縣東南濱江宋徙縣西元至正己丑主簿石天岳重修明洪武初知縣馬宥重建景泰元年知縣伍繪改遷縣城移建縣城之西志舊正

德六年知縣周豫修志省萬歷十二年知縣呂文峯重建兵燹後惟明倫堂存

大成殿啟聖宮皆覆以茅扇兩廡兩祠儀門櫺星門俱未曾復康熙四年知縣錢周鼐重建甲寅孫逆叛毀於兵三十二年知縣王友□改遷於成之南

廂依城城址高每雨積水當殿而口歷年既久棖  
崩棟折四十二年知縣馮千英培圮增闕開溝洫  
鑿泮池甃甬道拜臺建禮門義路後多崩塌四十  
八年知縣許之豫重加修整五十九年教諭馬振  
先遷於城南江濱舊址知縣姜際泰遷明倫堂於  
崇聖祠之右

昭平縣學建

據郝志明萬曆以前無考

自萬曆三十四年知縣

冷茂松四十四年知縣柯壽愷重修

國朝康熙元年知縣陳定國移建學宮於縣治西八  
年知縣金碩肅修二十二年知縣趙金章重修五  
十六年知縣馬尹移建南門外五十八年知縣錢

平樂府志

卷十 學宮

八

兆澧修葺

據省志載金志增八年金碩肅修

永安州舊學在城西明成化間都御史朱英叅議  
謝綬建立嘉靖間毀知州楊鈞重建據省志萬曆四年遷南門外  
萬曆三十七年知州王汝服建

大成殿旁列東西廡後爲啟聖祠左爲明倫堂藏經  
有閣肄業有齋前樹儀門又前樹櫺星門鑿泮池  
築垣墻明末遭兵燹圮

國朝康熙五年知州鄧林尹重建

大成殿啟聖祠兩廡櫺星門戟門名宦祠十一年知  
州何呈秀建明倫堂文昌閣遭逆吳三桂蹂躪傾  
圮殆盡十八年知州丁亮工重修中爲

大成殿東西爲兩廡前爲戟門門左爲文昌祠右爲名宦祠又前爲櫺星門廟後建尊經閣閣之下設義學廟之東建明倫堂又東建鄉約所堂之後建啟聖祠歷年既久僅存

大成殿雍正三年知州任琳捐修其學正宅在治西舊學處

### 崇祀

周敬王四十二年魯哀公誅孔子曰尼父建廟以祀孔子此立廟之始

漢高帝過魯以太牢祀孔子

漢平帝元始元年追諡孔子曰褒成宣尼公此諡之

## 平樂府志

### 卷十 崇祀

九

始

東漢明帝永平二年以周公孔子並祀於郡縣學永平十五年東巡至魯祀孔子

東漢和帝永元四年諡爲褒尊侯

魏正始七年令太常釋奠祀孔子於辟雍此祀太學之始

北魏文成帝詔宣尼廟別勅有司行薦享禮此司行有

禮之始

南宋文帝採晉故事舞八佾設軒懸之樂此樂之用始

後周靜帝大象二年封孔子爲鄒國公此封爵

隋文帝贈孔子爲宣師尼父

隋制國子學每歲□□□上丁□奠於先聖先師

州縣學則春秋仲月譯奠之丁祭始

唐太宗貞觀二年詔□周公陞孔子爲先聖顏子

爲先師令天下郡縣立廟四時致祭先同周公祀

二十年詔皇太子釋奠於先聖先師皇太子爲初

獻國子祭酒爲亞獻司業爲終獻諸州刺史爲初

獻上佐爲亞獻博士爲終獻縣學令爲初獻丞爲

亞獻無博士主簿爲終獻

高宗乾封二年追贈孔子爲□師

開元二十七年追諡孔子爲文宣王內出王者袞

冕之服以衣之前用司寇服

宋太祖建隆三年詔廟門立戟十六

平樂府志

卷十 崇祀

十

宋眞宗咸平中追諡孔子爲至聖文宣王

祥符二年加先聖冕服桓圭從上公之禮冕九旒

服九章

徽宗崇寧四年從司業蔣靜請文宣王用王者冕

十二旒服九章

大觀四年詔先聖廟用戟二十四文宣王執鎮圭

並用王者之制

金世宗大定四年加冕十二旒服十二章

元成宗大德十二年制加孔子號曰大成

文宗加孔子父母封爵爲王宋止封公

明洪武四年定釋奠祭器禮物正位犢一羊一豕

一籩豆各十登一鉶一簋簋各二酒樽三爵三每  
歲二丁傳制遣官祭於國學每月朔望遣內臣降  
香朔日則祭酒行釋菜禮

四年令進士釋褐詣國學行釋菜禮

十五年詔天下儒學通祀孔子頒釋奠儀

二十年罷武成王廟先與文廟東西並峙

二十六年頒大成樂器於天下府學令州縣如式

製造漢章帝舞用六佾設軒縣宋太祖用永安之樂仁宗用登歌至此乃定

永樂八年定文廟聖賢繪塑衣冠令合古制祭酒  
行禮稱皇帝謹遣

嘉靖九年允張璁議去封號易像以木主題曰至

聖先師孔子神位改

大成殿爲先師廟殿門爲廟門洪武十五年易木主僅國子監也

國朝順治二年定文廟諡號稱爲

大成至聖文宣先師孔子位二月八月上丁致祭遣

大臣一員行禮翰林院官二員分獻國子監堂官

祭啟聖祠以先賢先儒配祀從祀通行府州縣衛

各學一體遵行十明年改號爲

至聖先師孔子神位凡府州縣衛各學俱用新牌

康熙二十三年

御書萬世師表額懸天下文廟

康熙二十五年

御製王聖先師孔子贊

康熙二十九年題准官兵人民經過文廟務須下馬並禁兵民不許在學宮內放馬污踐

康熙四十九年題准凡同城大小武職俱照文職一體入文廟行香

頒曲柄黃傘張於殿庭

康熙五十九年正文廟樂章

雍正二年追封五代啟聖祠爲崇聖祠

雍正三年頒

御筆生民未有匾式雍正四年避先師諱作邱

乾隆三年頒發

平樂府志

卷十 崇祀

十二

御書與天地參匾額

乾隆八年四月頒發丁祭樂章

乾隆九年正月頒行欽定祭文

嘉慶四年頒發

御書聖集大成匾額

漢安帝元光三年祀孔子及七十二弟子於闕里

此祀弟子之始

魏正始七年令太常釋奠祀孔子於辟雍以顏淵

配此顏淵之始

唐貞觀二十年詔以左邱明卜子夏公羊高穀梁

赤伏勝高堂生戴聖毛萇孔安國劉向鄭衆杜子

春馬融盧□鄭康成服子慎何□王肅王輔嗣杜  
元凱范甯賈逵二十二人代用共書垂於國胄並  
令配享尼父廟

高宗總章元年追贈顏回太子少師曾參太子少  
保並配享孔子廟此曾子配之始

元宗開元二十七年追諡顏子爲兗國公閔損等  
九人爲侯曾參等爲伯

宋神宗以孟子配食宣聖荀况楊雄韓愈並從祀  
此孟子配之始

崇寧四年詔躋子思從祀此子思配之始

理宗加周惇頤張載程灝程頤封爵與朱熹並從

平樂府志

卷十 崇祀

十三

祀孔子廟庭又加張栻呂祖謙伯爵從祀孔子

度宗以顏回曾參孔伋孟軻並配陞顓孫師於十

哲列邵雍司馬光從祀此四配之始

元仁宗以許衡從祀封顏回兗國復聖公曾參郕

國宗聖公孔伋沂國述聖公孟軻鄒國亞聖公

明洪武三十九年黜楊雄從祀以董仲舒從祀

正統元年刊定從祀各爵位次頒行天下

正統二年以胡安國蔡沈眞德秀從祀

正統八年追封元吳澄爲臨川郡公從祀

成化二年封董仲舒爲廣用伯胡安國爲建寧伯

蔡沈爲崇安伯眞德秀爲浦城伯

宏治九年封楊時爲將樂伯從祀

嘉靖九年改四配稱復聖顏子宗聖曾子述聖子思亞聖孟子十哲以下及門弟子皆稱先賢某子之位申黨卽申棖存棖去黨削不當祀者二十人公伯寮秦冉顏何荀况戴聖劉向賈逵馬融何休王肅王弼杜預俱罷林放蘧瑗鄭衆盧植服虔范甯鄭康成吳澄改祀於其鄉增祀者五人后倉王通胡瑗陸九淵歐陽修令天下學校通建啟聖祠以顏無繇曾點孔鯉激公宜配程珦朱松蔡元定從祀

隆慶五年以薛瑄從祀

萬歷十二年以王守仁陳獻章胡居仁從祀以周輔成從祀啟聖祠四十一年以羅從彥李侗等從祀

國朝康熙五十一年先賢朱子陞配於

大成殿十哲之次五十四年以宋儒范仲淹從祀文廟雍正二年以蘧瑗秦冉牧皮公都子公孫丑鄭康成諸葛亮尹焞呂祖謙陳淳魏了翁王栢許謙羅欽順陸龍其從祀東廡以林放顏何縣亶樂正克萬章范甯黃幹何基趙復金履祥陳澹蔡清從祀西廡

先師之禮以門配十二哲侑饗殿中以先賢先儒從祀

兩廡

先師孔子正位南嚮四配復聖顏子述聖子思子東位  
西嚮宗聖曾子亞聖孟子西位東嚮東序先賢閔  
子損冉子雍端木子賜仲子由卜子商有子若西  
序先賢冉子耕宰子予冉子求言子偃顓孫子師  
朱子熹位均東西嚮東廡先賢蘧瑗澹臺滅明原  
憲南宮适商瞿漆雕開司馬耕梁鱣冉孺伯虔冉  
季漆雕徒父漆雕哆公西赤任不齊公良孺公肩  
定鄒單罕父黑檠旂左人郢鄭國原亢廉潔叔仲  
會公西輿如邾異陳亢琴張步叔乘秦非顏噲顏  
何縣亶樂正克萬章周敦頤程顥邵雍位西嚮西

廡先賢林放宓不齊公治長公哲哀高柴樊須商  
澤巫馬施顏辛曹卹公孫龍秦商顏高壤駟赤石  
作蜀公夏首后處奚容蒧顏祖句井疆秦祖縣成  
公祖句茲燕伋樂欬狄黑孔忠公西蒧顏之僕施  
之常申振左邱明秦冉牧皮公都子公孫丑張載  
程頤位東嚮東廡先儒公羊高伏勝董仲舒后蒼  
杜子春諸葛亮王通范仲淹歐陽修楊時羅從彥  
李侗呂祖謙蔡沈陳淳魏了翁王柏趙復許謙吳  
澄胡居仁王守仁羅欽順西廡先儒穀梁赤高堂  
生孔安國毛萇鄭康成范甯韓愈胡瑗司馬光尹  
焯胡安國張□□九淵賈幹真德秀何基懷□金

辰祥許衡薛宣陳獻章蔡清□□其位均東西□  
廟後建祠曰崇聖中設

肇聖王木金父左

裕聖王祈父右

詒聖王防叔左次

昌聖王伯夏右次

啟聖王叔梁紇位皆南嚮祠內配饗先賢顏無繇孔

鯉東位西嚮曾點孟孫氏西位東嚮兩廡從祀先

儒東廡周輔成程珦蔡元定西廡張迪朱松年均

位東西嚮

會典

明嘉靖九年用大學士張孚敬等議釐祀典撤去

塑像改

大成至聖文宣王爲至聖先師孔子神位木主高二

尺三寸七分濶四寸厚七分座高四寸長七寸厚

三寸四分朱地金書四配神位木主各高一尺五

寸濶三寸二分厚五分座高四寸長六寸厚二寸

八分十哲已下凡門弟子皆止稱先賢某子神位

木主各高一尺四寸濶二寸六分厚五分座高二

寸六分長四寸厚二寸左邱明已下稱先儒某子

神位木主各高一尺三寸四分濶二寸三分厚四

分座高二寸六分厚二寸俱赤地黑書

續文獻通考